

KERATAN AKHBAR-AKHBAR TEMPATAN
TARIKH: 7 APRIL 2015 (SELASA)

Bil	Tajuk	Akhbar
1.	PAC panggil 10 Kementerian perelaskan isu kelemahan	Berita Harian
2.	PAC panggil 10 Kementerian berhubung Laporan Ketua Audit Negara	Utusan Malaysia
3.	PAC akan panggil 10 Kementerian	Sinar Harian
4.	PAC akan panggik 10 Kementerian berdasarkan isu berbangkit Laporan Katua Audit Negara 2014	BERNAMA
5.	PAC to call 10 ministries over problematic projects	The Sun
6.	PAC to quiz ministries, agencies	New Straits Times
7.	Spotlight on 'less popular' ministries	The Star
8.	Scrap non-performing GLCs, says PAC	Malay Mail
9.	Cuaca bukan punca nahas	Utusan Malaysia
10.	Yuri's night di Planetarium Negara pada 12 April	BERNAMA
11.	TPM Biotech sasar raih pendapatan RM5.49 juta	Berita Harian
12.	TPM Biotech sasar pendapatan US\$1.5 juta susulan kerjasama Arman Muslim Food	BERNAMA
13.	Teratai Tenang syarikat bumiputera pertama keluar air mineral di Pantai Timur	BERNAMA

PAC panggil 10 kementerian perjelaskan isu kelemahan

Jawatankuasa Kira-Kira Wang Negara (PAC) akan memanggil 10 kementerian bagi memberi keterangan berhubung kelemahan pelaksanaan program dan projek seperti dibangkitkan dalam Laporan Ketua Audit Negara Siri 1 Tahun 2014 yang dikeluarkan semalam.

Ita membabitkan Kementerian Kesejahteraan Bandar, Perumahan dan Kerajaan Tempatan (KPKT); Kementerian Pertahanan (MINDEF); Kementerian Dalam Negeri (KDN); Kementerian Kewangan (MOF); Kementerian Sumber Asli dan Alam Sekitar (NRE).

Kementerian Pembangunan Wanita, Keluarga dan Masyarakat (KPWK); Kementerian Kemajuan Luar Bandar dan Wilayah (KKLW); Kementerian Komunikasi dan Multimedia (KKM); Kementerian Sains, Teknologi dan Inovasi (MOSTI) serta Kementerian Perdagangan Dalam Negeri, Koperasi dan Kepenggunaan (KPDNKK).

Pelbagai isu penting Pengerusi PAC, Datuk Nur Ja-

zlan Mohamed, berkata antara isu penting dibangkitkan dalam Laporan Ketua Audit Negara Siri 1 Tahun 2014 adalah tiga projek Program Perumahan Rakyat (PPR) di Sabah di bawah KPKT yang dilaksanakan secara rundingan terus dan mengalami masalah.

Penjelasan juga, katanya, perlu diberikan bagi dua projek di bawah MINDEF berbentuk rundingan terus dan bermasalah membabitkan Pengurusan Prasarana dan Transit Kuala Lumpur dan pembinaan serta pengurusan Wisma Perwira Angkatan Tentera Malaysia (ATM) di Jalan Padang Tembak, di sini.

“Kami juga mendapati kelemahan pengurusan kuarters polis di bawah KDN, selain pengurusan Klinik Sejahtera Lembaga Penduduk dan Pembangunan Keluarga Negara dalam melaksanakan Program Ujian Khas Mamogram di bawah KPWK.

“Beberapa isu berkaitan lain, termasuk MOF membabitkan Kumpulan Modal Perdana Sdn Bhd dan Perbadanan Putrajaya, selain pengurusan

RISDA di bawah KKLW,” katanya selepas mempengerusikan mesyuarat PAC di bangunan Parlimen, semalam.

Nur Jazlan berkata, KKM pula berkaitan projek infrastruktur jalur lebar di Sabah dan Sarawak, projek TPM Biotech di bawah MOSTI serta Institut Penyelidikan Perhutanan Malaysia (FRIM).

Pantau program

Katanya, PAC akan memantau program dimainkan kementerian seperti MOSTI kepada masyarakat, selain keberkesanan program KPDNKK serta Perbadanan Nasional Berhad (PNS) dalam menganjurkan latihan keusahawanan.

“Kerajaan juga perlu menilai semula tawaran rundingan terus serta reka dan bina, khususnya dalam bidang pembinaan kerana ia mendatangkan masalah,” katanya sambil menegaskan, cadangan PAC supaya subsidi beras Super Tempatan (ST15) digantung sementara bertujuan memperbetulkan program yang menyebabkan pembaziran atau penyelewengan.



“**Kerajaan juga perlu menilai semula tawaran rundingan terus serta reka dan bina, khususnya dalam bidang pembinaan kerana ia mendatangkan masalah**”

Nur Jazlan Mohamed,
Pengerusi PAC

KERATAN AKHBAR
UTUSAN MALAYSIA (DALAM NEGERI) : MUKA SURAT 6
TARIKH : 7 APRIL 2015 (SELASA)

PAC panggil 10 kementerian berhubung Laporan Ketua Audit Negara

KUALA LUMPUR 6 April - Sebanyak 10 kementerian akan dipanggil oleh Jawatankuasa Kira-Kira Wang Negara (PAC) sebelum sesi Parlimen akan datang bagi memberi keterangan berhubung kelemahan pelaksanaan program dan projek, seperti dibangkitkan dalam Laporan Ketua Audit Negara 2014 yang dikeluarkan hari ini.

Pengerusi PAC, Datuk Nur Jazlan Mohamed berkata, kementerian

tersebut adalah Kementerian Kesihatan, Kementerian Perdagangan Antarabangsa dan Industri; Kementerian Perumahan dan Kerajaan Tempatan; Kementerian Pertahanan; Kementerian Dalam Negeri; Kementerian Kewangan; Kementerian Sumber Asli dan Alam Sekitar dan Kementerian Pembangunan Wanita, Keluarga dan Masyarakat.

Selain itu, katanya, PAC akan memanggil Kementerian Kemajuan Luar Bandar dan Wilayah; Kement-

erian Komunikasi dan Multimedia; Kementerian Sains, Teknologi dan Inovasi dan Kementerian Perdagangan Dalam Negeri, Koperasi dan Kepenggunaan (KPDNKK).

Beliau berkata, antara isu penting yang dibangkitkan dalam Laporan Ketua Audit Negara adalah berhubung tiga projek Program Perumahan Rakyat (PPR) di Sabah di bawah Kementerian Kesihatan, Kementerian Perumahan dan Kerajaan

Tempatan berbentuk projek rundingan terus mengalami masalah.

“Penjelasan juga bakal dituntut bagi dua projek di bawah Kementerian Pertahanan berbentuk rundingan terus dan bermasalah membabitkan Pengurusan Prasarana dan Transit Kuala Lumpur dan pembinaan serta pengurusan Wisma Perwira, Angkatan Tentera Malaysia (ATM) di Jalan Padang Tembak di sini.

“Jawatankuasa itu juga mendapati kelemahan terhadap pengurusan kuarters polis yang tidak sempurna di bawah Kementerian Dalam Negeri, selain pengurusan Klinik Sejahtera Lembaga Penduduk dan Pembangunan Keluarga Negara (LPPKN) dalam melaksanakan Program Ujian Khas Mamogram di bawah Kementerian Pembangunan Wanita, Keluarga dan Masyarakat.

“Beberapa isu lain berkaitan termasuk Kementerian Kewangan membabitkan Kumpulan Modal Perdana Sdn. Bhd. dan Perbadanan Putrajaya selain Pengurusan Pihak Berkuasa Kemajuan Pekebun Kecil Perusahaan Getah (RISDA) di bawah Kementerian Kemajuan Luar Bandar dan Wilayah,” katanya dalam sidang akhbar selepas mempengerusikan mesyuarat PAC di Bangunan Parlimen hari ini.

